



Broj:11-30-1671-5/24  
Sarajevo, 30.01.2024. godine

**VLADA KANTONA SARAJEVO**  
**-OVDJE-**

**PREDMET:** Odgovor na dopis broj: 278/24 od 25.01.2024. godine, Samostalnog sindikata osnovnog obrazovanja i odgoja FBiH-Kantonalni odbor SSOOIO Kantona Sarajevo za pismeno izjašnjenje o zahtjevima štrajka upozorenja.

Ministarstvo za odgoj i obrazovanje Kantona Sarajevo (u daljem tekstu: Ministarstvo) je dana 19.01.2024. godine, objavilo saopštenje za medije povodom Pregovora Vlade Kantona Sarajevo sa Samostalnim sindikatом osnovnog obrazovanja i odgoja FBiH-Kantonalni odbor SSOOIO Kantona Sarajevo (u daljem tekstu: Sindikat), oko izmjena i dopuna Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo, koji su u proceduri. U navedenom saopštenju je navedeno da Vlada Kantona Sarajevo nije ni jednog momenta dovela u pitanje podizanje standarda radnika obrazovanja na svim nivoima između ostalog i povećanje plaće radnika, te je u cilju omogućavanja nastavka socijalnog dijaloga i poboljšanja prava radnika u predškolskom i osnovnom obrazovanju u okviru pregovora pregovaračkih timova Vlada Kantona Sarajevo donijela Odluku o prihvatanju prijedloga Protokola o vođenju pregovora sa Sindikatом, te iskazala daljnju namjeru nastavka i uspješnog završetka pregovora i socijalnog dijaloga.

Međutim, Sindikat je dana 26.01.2024. godine dostavio je Zahtjev za pismeno izjašnjenje o zahtjevima štrajka upozorenja prosvjetnih radnika u kojem paušalno i ultimativno pokušava prikazati Ministarstvo kao organ koji ništa nije poduzeo prema radnicima zaposlenim u javnim ustanovama predškolskog odgoja i javnim ustanovama osnovnog odgoja i obrazovanja. U skladu sa aktom Sindikata broj: 278/24 od 25.01.2024.godine, informišemo vas o sljedećem:

Vlada Kantona Sarajevo i Ministarstvo za odgoj i obrazovanje Kantona Sarajevo su u protekle tri godine prepoznale odgoj i obrazovanje kao djelatnost od posebnog značaja i ključni segment društva. U skladu sa navedenim, izdvojena su značajna finansijska sredstva za rekonstrukciju, investiciono održavanje, nabavku opreme i materijala u svim javnim odgojno-obrazovnim ustanovama u Kantonu Sarajevo. U posljednje tri godine obezbijeđeni su udžbenici za sve učenike osnovnih škola, omogućeno sufinansiranje boravka djece u svim predškolskim ustanovama, izvršeno je znavljanje računara u kabinetima informatike, započeta je realizacija opremanja kabineta

biologije/hemije/fizike, opremanje kuhinja i trpezarija, kao i veliki broj malih efektivnih projekata, sanacije i investicionog održavanja, koje je ovo Ministarstvo realiziralo sa osnovnim školama u Kantonu Sarajevo. U januaru 2021. godine, stavka za rekonstrukciju u budžetu Ministarstva je bila 200.000,00KM, a u protekle tri godine, Vlada Kantona Sarajevo je omogućila više desetina miliona kao direktnu investiciju u rekonstrukciju postojećih, izgradnju i dogradnju novih dijelova odgojno-obrazovnih ustanova. Ove investicije su direktno poboljšale radno okruženje i uslove rada za radnike koji rade u odgojno obrazovnim ustanovama. Pored navedenog, Vlada Kantona Sarajevo i Ministarstvo su aktivno djelovali na i učestvovali u podizanju standarda radnika obrazovanja na svim nivoima preduniverzitetskog obrazovanja i povećanju plaće radnika, a što se može uvidjeti u uvođenju dodataka na plate, povećanju koeficijenata i drugim pravima predviđenih zakonom i kolektivnim ugovorom. Članom 52. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, broj:24/22)- koeficijenti su uvećani za oko 7 %, uz izmjene i dopune navedenog Kolektivnog ugovora kojim su uvršten i poseban dodatak od 3%, kao i povećanje drugih procenata za otežane uslove rada.

U navedenom aktu Sindikat, a što je jedan i od zahtjeva, navodi kršenje odredbi zakona i Kolektivnog ugovora za djelatnost predškolskog odgoja i osnovnog obrazovanja u Kantonu Sarajevo od strane Ministarstva za odgoj i obrazovanje Kantona Sarajevo kojim Ministarstvo pokušava da uskrati stečena prava radnika. Prije svega kada Sindikat već iznosi sa sigurnošću optužbe na račun resornog ministarstva trebao bi da iste argumentovano potkrijepi navodima na koji način Ministarstvo krši zakon i Kolektivni ugovor. Tendenciozno je jednostrano navoditi ovako teške kvalifikacije, a ne iznijeti niti jedan valjan argument, posebno u svjetlu činjenice da je upravo ova Vlada, uspostavila antikoruptivni sistem u Kantonu Sarajevo, kao i da u pregovaranjima o kolektivnom ugovoru u protekle tri godine nije uskraćeno niti jedno radničko pravo, naprotiv namjera Ministarstva je da se prosvjetnim radnicima pomogne u vraćanju i jačanju dostojanstva. Vlada Kantona Sarajevo i Ministarstvo, pozivaju Sindikat da jasno istaknu koje propise su prekršili u proteklom periodu.

Ističemo da je Vlada Kantona Sarajevo donijela Odluku o prihvatanju prijedloga Protokola o vođenju pregovora sa Sindikatom, broj: 02-04-39464-30/23 od 07.09.2023. godine. Ovom odlukom dato je ovlaštenje ministrici za odgoj i obrazovanje Kantona Sarajevo, predsjednici Pregovaračkog tima Vlade Kantona Sarajevo, da potpiše isti. Ono što želimo naglasiti da su se pregovarački sastanci vodili kontinuirano i da je na jednom od konsultacija zauzet stav da je Protokol proceduralni akt i da ne može regulisati *in meritum* odredbe Kolektivnog ugovora. Prijedlog Kolektivnog ugovora utvrđuje se institucionalno putem pregovora koje vode pregovarački timovi, pri čemu obje strane u pregovorima imaju mogućnost tokom trajanja pregovora dostavljati jedna drugoj prijedloge izmjena i dopuna članova koji inicijalno nisu bili predmet pregovora. U cilju nastavka pregovora kao i povećanja plaća radnika za koje naglašavamo da Ministarstvo za odgoj i obrazovanje Kantona Sarajevo imalo obezbjeđena sredstva u decembru mjesecu prošle godine, zatražilo je informaciju da li Sindikat namjerava nastaviti i uspješno završiti pregovore za zaključivanje Kolektivnog ugovora o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu („Službene novine Kantona Sarajevo“, broj: 24/22 i 40/22) prihvatanjem teksta prijedloga Protokola koji Vam je ranije dostavljen, a na koji je Vlada Kantona Sarajevo dala saglasnost Odlukom, broj: 02-04-615-2/24 od 09.01.2024. godine, uz napomenu da je na sastancima pregovaračkih timova, između ostalog, bilo razgovora i o eventualnom nastavku važenja, odnosno primjene Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu („Službene novine Kantona Sarajevo“, broj: 24/22 i 40/22), na period od dvije godine. Protokol na koji je Vlada Kantona Sarajevo dala saglasnost Odlukom broj: 02-04-615-2/24 od 09.01.2024. godine, a čiji je član 4. isti kao i u ranijim protokolima o vođenju pregovora sa Samostalnim sindikatom osnovnog obrazovanja i odgoja Federacije BiH – Kantonalni odbor



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

2/7

SSOOiO Kantona Sarajevo za zaključivanje Kolektivnog ugovora o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo, aktom je Sindikat pozvan za dostavljanje informacije o tome najkasnije do 19.01.2024. godine, kako bi Ministarstvo za odgoj i obrazovanje Kantona Sarajevo, kao resorno Ministarstvo, moglo pripremiti materijal za sjednicu Vlade Kantona Sarajevo (koja je planirana 25.01.2024. godine) o pokretanju postupka pregovaranja i zaključivanja novog kolektivnog ugovora u skladu sa čl. 166. i 182. stav (3) Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, broj: 24/22 i 40/22). Sindikat je dostavio akt, broj: 172/24 od 18.01.2024. godine, u kojem je navedeno da nemaju namjeru započete pregovore o izmjenama i dopunama važećeg Kolektivnog ugovora prekinuti i proglasiti ih neuspješnim već samo žele ispoštovati odredbe važećeg Kolektivnog ugovora. Po pitanju nastavka pregovora, održan je sastanak pregovaračkih timova dana 23.01.2024. godine, a na kojem je dogovoreno da se produži važenje protokola o pregovaranju, te je naredni sastanak pregovaračkih timova održan u ponedjeljak, 29.01.2024. godine. U međuvremenu, ministrica za odgoj i obrazovanje je iskazala svoju opredjeljenost za podizanje standarda radnika u odgojno-obrazovnom procesu, na način da se koeficijenti povećaju za 10%, uz dodatna 2% o kojima bi se pregovaralo krajem tekuće godine. S tim u vezi, resorno Ministarstvo i Vlada Kantona Sarajevo – Premijer Kantona Sarajevo u skladu sa svojim ovlaštenjima će nastaviti socijalni dijalog sa Sindikatom s ciljem postizanja pregovora i uslova za zaključivanje Kolektivnog ugovora, a na temelju zahtjeva Sindikata.

Po pitanju navoda o izjednačavanju plata radnika u djelatnosti predškolskog i osnovnog odgoja i obrazovanja sa platama radnika u JU Institut za razvoj preduniverzitetskog obrazovanja Kantona Sarajevo (u daljem tekstu: Institut), a u cilju objektivne informisanosti bitno je napomenuti da je analizom isplaćenih plata u osnovnim školama u Kantonu Sarajevo, utvrđeno da navedena konstrukcija nije tačna. Nerijetko radnici u odgojno-obrazovnim ustanovama imaju i veće mjesečne prihode (bez minulog rada) nego uposlenici Instituta, zahvaljujući dodacima zagarantovanim po Kolektivnom ugovoru. Napominjemo da uposlenici Instituta nemaju nikakve dodatke na platu. Detaljnom analizom Ekonomskog instituta Univerziteta u Sarajevu, tačno će se pozicionirati plate svih radnika u javnom sektoru u Kantonu Sarajevo. Navedenom analizom, obuhvatiti će se i dodaci po otežanim uslovima rada, a koji su za oblast predškolskog i osnovnog odgoja i obrazovanja mogu iznositi i do 38% uvećanja na osnovnu platu.

Po pitanju navoda i zahtjeva Sindikata da se odmah prestane sa administrativnim reformama, neophodno je da Sindikat dostavi jasne primjere na koji način se opterećuju radnici, tj. koje su konkretne *administrativne reforme* uvedene u proteklom periodu, a koje opterećuju radnike u odgojno-obrazovnom procesu.

Ministarstvo za odgoj i obrazovanje Kantona Sarajevo, u skladu sa Zaključkom Vlade Kantona Sarajevo broj: 02-04-82-9/23 od 09.01.2023.godine i u saradnji sa Javnom ustanovom Institut za razvoj preduniverzitetskog obrazovanja Kantona Sarajevo, izradilo Nacrt Pedagoških standarda i normativa za osnovni odgoj i obrazovanje, čija se implementacija planira od školske 2024/2025.godine. Pedagoški standardi i normativi su akt koji donosi Vlada Kantona Sarajevo, u skladu sa Zakonom o osnovnom odgoju („Službene novine Kantona Sarajevo“, br: 23/17, 33/17, 30/19, 34/20 i 33/21). Nadalje, Pedagoškim standardima i normativima se utvrđuju materijalni, kadrovski i drugi uvjeti prilikom izgradnje i opremanja školskog prostora, koji osiguravaju jednake uvjete za rad svih škola i ravnomjeran razvoj osnovnog odgoja i obrazovanja u određenom period, u skladu sa Zakonom o osnovnom odgoju i obrazovanju. Odredbama Zakona o vijeću zaposlenika („Službene novine FBiH“, broj: 38/04), propisana je obaveza poslodavca za informisanjem, konsultiranjem i pribavljanjem prethodne saglasnosti vijeća uposlenika o pitanjima koja su od



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

3/7



interesa za ekonomski i socijalni položaj uposlenika odnosno o odlukama značajnim za prava i interese uposlenika. Shodno mišljenju Federalnog ministarstva rada i socijalne politike a u skladu sa Zakonom o vijeću uposlenika FBiH kojim je propisana obaveza poslodavca prije donošenja odluke značajne za prava i interese zaposlenika, obavezno izvrši konsultacije sa vijećem uposlenika odnosno Sindikatom, u konkretnom slučaju, a s obzirom da su u pitanju javne ustanove potrebno je imati u vidu posebne propise iz ove oblasti. Na osnovu navedenog ističemo da je Ministarstvo postupilo u skladu sa zakonskim propisima za koje je nadležno i obavezno postupati. Napominjemo da su u toku javne konsultacije na Nacrt pedagoških standarda, gdje svi uposlenici i akteri mogu podnijeti svoje prijedloge, primjedbe i sugestije. Također, podsjećamo da je Ministarstvo održalo konsultacije i sa Sindikatom, a za isti je također omogućeno da dostavi svoje primjedbe, prijedloge ili sugestije na predloženi tekst. U svrhu objektivnog informisanja javnosti, bitno je napomenuti da institut javne rasprave, odnosno javnih konsultacija, na podzakonske akte nije obaveza. Ministarstvo i Institut su pokrenuli javne konsultacije na predloženi tekst, isključivo iz razloga da se uključe svi zainteresirani subjekti, sve u cilju izrade najkvalitetnijeg teksta ovog važnog dokumenta. Ministarstvo će prilikom izrade konačnog Prijedloga Pedagoških standarda i normativa uzeti u razmatranje sve pristigle doprinose iz konsultacija sa Sindikatom, kao i iz javnih konsultacija. Napominjemo da je članom 26. Zakona o vijeću uposlenika FBiH, definisano da *Poslodavac može, samo uz prethodnu suglasnost vijeća uposlenika, donijeti odluku o:*

- *otkazu članu vijeća uposlenika;*
- *otkazu uposleniku kod kojeg postoji promijenjena radna sposobnost ili neposredna opasnost od nastanka invalidnosti ;*
- *otkazu uposleniku starijem od 55 godina i ženi starijoj od 50 godina;*
- *prikupljanju, obrađivanju, korištenju i dostavljanju podataka trećim licima o uposleniku.*

S obzirom da usvajanje Odluke o pedagoškim standardima i normativima, nije odluka tretirana u članu 26. Zakona o vijeću uposlenika, za istu nije neophodno pribavljati prethodnu saglasnost Vijeća, ili Sindikata u konkretnom slučaju.

Ministarstvo i Vlada Kantona Sarajevo se zalažu za vladavinu prava i za dosljednu primjenu pravnih normi, bez uskraćivanja ovlaštenja koja su propisima dodijeljena Ministarstvu i Vladi da obavljaju poslove iz svojih nadležnosti. Suprotno ponašanje predstavljalo bi narušavanje vladavine prava i jasno propisanih ovlaštenja organa uprave i Vlade, kao i protupravno proširenje djelatnosti Sindikata.

Po pitanju zahtjeva da se poveća plata nenastavnog osoblja na osnovu ocjene o radu kao što je to ugovoreno za radnike u organima uprave, stav Ministarstva je da je ovo pitanje koje se treba delegirati na sastanku pregovaračkih timova o izmjenama i dopunama Kolektivnog ugovora, te se kao takvo treba razmotriti i eventualno usvojiti/odbiti.

U vezi sa zahtjevom da se izradi prijedlog teksta Pedagoških standarda i normativa za osnovni odgoj i obrazovanje uz učešće predstavnika Sindikata u radnoj grupi te da Vlada Kantona Sarajevo iste ne donese bez saglasnosti Sindikata, informišemo Vas da je Ministarstvo za odgoj i obrazovanje Kantona Sarajevo zaprimilo akt Javne ustanove Institut za razvoj preduniverzitetskog obrazovanja Kantona Sarajevo broj: 3704/22 od 30.12.2022. godine, kojim se predlaže pokretanje procedure za izradu Pedagoških standarda i normativa za osnovno i srednje obrazovanje Kantona Sarajevo. Ministarstvo za odgoj i obrazovanje Kantona Sarajevo je uputilo Vladi Kantona Sarajevo Informaciju o inicijativi, koja je upućena od strane Instituta, koja je na svojoj 109. sjednici održanoj dana 09.01.2023. godine, donijela zaključke broj: 02-04-82-8/23 od 09.01.2023.godine, kojim se prihvata Informacija Ministarstva za odgoj i obrazovanje Kantona Sarajevo u vezi sa izmjenom i dopunom Odluke o pedagoškim standardima i općim normativima za osnovni odgoj i obrazovanje i normativa



radnog prostora, opreme, nastavnih sredstava i učila po predmetima za osnovnu školu i zaključak broj: 02-04-82-10/23 od 09.01.2023. godine, u vezi sa izmjenom i dopunom Pedagoških standarda i normativa za srednje obrazovanje, te Zaključcima zadužila Ministarstvo da u skladu sa dostavljenim Inicijativama, poduzme aktivnosti u vezi sa pripremom prijedloga izmjena i dopune normativima radnog prostora, opreme, nastavnih sredstava i učila po predmetima za osnovnu školu i izmjene i dopune Pedagoških standarda i normativa za srednje obrazovanje. Na osnovu donesenih Zaključaka Vlade Kantona Sarajevo, Ministarstvo za odgoj i obrazovanje Kantona Sarajevo je uputilo pozive svim zainteresovanim stranama, između ostalog i Samostalnom sindikatu osnovnog odgoja i obrazovanja FBiH-Kantonalni odbor Kantona Sarajevo, da najkasnije do 23.01.2023.godine, dostave svoje prijedloge i sugestije za izmjene i dopune Odluke o pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu i izmjene i dopune Pedagoških standarda i normativa za srednje obrazovanje. Zainteresirane strane su dostavile svoje prijedloge i sugestije. Smatramo da je Ministarstvo na taj način omogućilo učešće Sindikatu u izradi Pedagoških standarda i normativa, a što je i obaveza u skladu sa članom 143. Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“, broj: 24/22 i 40/22). Institut je izvršio analizu svih dostavljenih prijedloga, nakon čega je zaključeno da je potrebno mijenjati više od 50 % osnovnog teksta te da je potrebno donijeti novu Odluku o pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu, u kojoj bi bile integrisane sve sugestije i primjedbe. Također, u periodu od 03. do 17. 01. 2024. godine Institut za razvoj preduniverzitetskog obrazovanja Kantona Sarajevo je proveo javne konsultacije između ostalog i za prijedlog Odluke o pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu i prijedlog Pedagoških standarda i normativa za srednje obrazovanje. Planirano donošenje i objavljivanje u „Službenim novinama Kantona Sarajevo“ Odluke o pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu i Pedagoških standarda i normativa za srednje obrazovanje je u mjesecu februaru 2024. godine, a primjenjivanje istih je planirano od školske 2024/2025. godine. Također, Odredbama Zakona o vijeću uposlenika („Službene novine FBiH“, broj: 38/04), propisana je obaveza poslodavca za informisanjem, konsultiranjem i pribavljanjem prethodne saglasnosti vijeća uposlenika o pitanjima koja su od interesa za ekonomski i socijalni položaj uposlenika odnosno o odlukama značajnim za prava i interese uposlenika. Shodno mišljenju Federalnog ministarstva rada i socijalne politike a u skladu sa Zakonom o vijeću uposlenika FBiH kojim je propisana obaveza poslodavca prije donošenja odluke značajne za prava i interese zaposlenika, obavezno izvrši konsultacije sa vijećem uposlenika odnosno sindikatom, u konkretnom slučaju a s obzirom da su u pitanju javne ustanove potrebno je imati u vidu posebne propise iz ove oblasti. Naime, članom. 26. Zakona o vijeću uposlenika („Službene novine FBiH“, broj: 38/04), propisane su situacije u kojima poslodavac može, samo uz prethodnu saglasnost vijeća uposlenika, donijeti odluku: o otkazu članu vijeća uposlenika; otkazu uposleniku kod kojeg postoji promijenjena radna sposobnost ili neposredna opasnost od nastanka invalidnosti; otkazu uposleniku starijem od 55 godina i ženi starijoj od 50 godina; prikupljanju, obrađivanju, korištenju i dostavljanju podataka trećim licima o uposleniku. Ako se vijeće uposlenika u roku od 10 dana od dana tražene saglasnosti pisano ne izjasni o davanju saglasnosti, smatra se da je saglasno sa odlukom poslodavca. Ako vijeće uposlenika uskrati saglasnost na odluku iz stava 1. ovog člana, rješavanje spora povjerava se arbitraži. Također ističemo da ministrica nema obavezu formiranja radnih grupa ili komisija za izradu podzakonskih akata. Štaviše, Odlukom o osnivanju Javne ustanove Institut za razvoj preduniverzitetskog obrazovanja („Službene novine Kantona Sarajevo“, broj: 37/21),



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

5/7

predviđeno je praćenje, vrednovanje i ocjenjivanje ispunjenosti pedagoških standarda i normativa, te predlaganje izmjene istih kao jedna od djelatnosti Javne ustanove Institut za razvoj preduniverzitetskog obrazovanja u skladu s čim je Vlada i donijela gore navedeni Zaključak u vezi sa izmjenom i dopunom Odluke o pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu. Na osnovu navedenog ističemo da je Ministarstvo za odgoj i obrazovanje Kantona Sarajevo postupilo u skladu sa zakonskim propisima za koje je nadležno i obavezno postupati.

U vezi sa zahtjevom da se isplati pomoć po uredbi Vlade Federacije Bosne i Hercegovine, Ministarstvo za odgoj i obrazovanje Kantona Sarajevo nema planirana finansijska sredstva za budžetsku 2024.godinu, a koja se odnosi za gore navedenu namjenu. U planu budžeta smo planirali povećanu osnovicu- 385 i uvećanje plata kroz koeficijenta.

U vezi sa zahtjevom da se prosvjetnim radnicima dodjeli status službenog lica, beneficirani radni staž i penzionisanje pod povoljnijim uslovima, informišemo vas da se:

Status službenog lica utvrđuje propisima višeg nivoa vlasti (federalnog i državnog nivoa). Naime, shodno odredbama Krivičnog zakona Bosne i Hercegovine službeno lice je izabrani ili imenovani funkcioner u organima zakonodavne, izvršne i sudske vlasti Bosne i Hercegovine i u drugim državnim i upravnim ustanovama ili službama koje obavljaju određene upravne, stručne i druge poslove u okviru prava i dužnosti vlasti koja ih je osnovala; lice koje stalno ili povremeno vrši službenu dužnost u navedenim upravnim organima ili ustanovama; ovlašćeno lice u privrednom društvu ili u drugom pravnom licu kojem je zakonom ili drugim propisom donesenim na osnovu zakona povjereno vršenje javnih ovlašćenja, a koja u okviru tih ovlašćenja vrši određenu dužnost; te drugo lice koje uz naknadu ili bez naknade vrši određenu službenu dužnost na osnovu ovlašćenja iz zakona ili drugog propisa donesenog na osnovu zakona.

Što se tiče beneficiranog staža, ili staža osiguranja sa uvećanim trajanjem, Zakon o penzijskom i invalidskom osiguranju Federacije BiH je definirao da na prijedlog nosioca osiguranja, odluku o radnim mjestima na kojima se staž osiguranja računa sa uvećanim trajanjem, pravilnikom utvrđuje Federalno ministarstvo rada i socijalne politike. Zakon o penzijskom i invalidskom osiguranju Federacije BiH propisao je da radna mjesta na koja se primjenjuje staž osiguranja sa uvećanim trajanjem su ona na kojem je rad naročito težak, opasan i štetan po zdravlje, radno mjesto sa naročito povećanim rizikom. S tim u vezi, Zakon o penzijskom i invalidskom osiguranju Federacije BiH je propis federalnog nivoa vlasti i propisuje posebnim pravilnikom koja su to radna mjesta. Vlada Kantona Sarajevo nije u mogućnosti udovoljiti ovom zahtjevu Sindikata jer navedeno pitanje nije u nadležnosti Ministarstva za odgoj i obrazovanje niti Vlade, odnosno nije nadležnost kantonalnog nivoa vlasti.

Promjenu zastarjelih i obimnih nastavnih planova i programa što podrazumijeva reduciranje nastavnih sadržaja, smanjenje broja obaveznih nastavnih predmeta i obaveznih nastavnih časova. Ministarstvo za odgoj i obrazovanje u proteklom periodu zaprimilo nekoliko pisanih inicijativa za izmjene i dopune Nastavnih planova i programa po predmetima za osnovnu i srednju školu. Ovaj zahtjev Sindikata, Ministarstvo će tretirati kao inicijativu za izmjene i dopune Nastavnih planova i programa. Imajući u vidu nadležnosti Instituta za razvoj preduniverzitetskog obrazovanja Kantona Sarajevo utvrđene u članu 9. stav (3) tačka b) Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj: 37/21) kojim je propisano da Institut za razvoj preduniverzitetskog obrazovanja Kantona Sarajevo učestvuje u izradi i inoviranju nastavnih planova i programa preduniverzitetskog obrazovnog nivoa; daje stručna mišljenja o nastavnim planovima i programima osnovnog i srednjoškolskog obrazovanja;





prati provedbu, vrednuje kvalitet i revidira nastavne planove i programe; utvrđuje i razvija nastavne planove i programe za pojedina područja i predmete; te obavlja i druge poslove u vezi sa nastavnim planovima i programima u skladu sa zakonima. Potrebno je da Sindikat precizira zahtjev u vezi sa promjenom zastarjelih i obimnih nastavnih planova i programa. Po dostavljanju prijedloga za izmjene i dopune Nastavnih planova i programa, predmetnu inicijativu Ministarstvo za odgoj i obrazovanje će dostaviti Javnoj ustanovi Institut za razvoj preduniverzitetskog obrazovanja Kantona Sarajevo na daljnje postupanje. Istovremeno napominjemo da je Kanton Sarajevo prvi započeo kurikularnu reformu, sačinio nastavne planove i programe bazirane na ishodima učenja, te u školskoj 2022/23. godini započeo sa implementacijom novih nastavnih planova i programa.

Shodno gore navedenom, ističemo da svi poslovi iz nadležnosti ovog ministarstva i Vlade se provode u skladu sa utvrđenim Programom rada Ministarstva za odgoj i obrazovanje Kantona Sarajevo, Ustavom Kantona Sarajevo, Zakonom o organizaciji organa uprave FBiH ("Službene novine FBiH", broj 35/05), Zakonom o ministarstvima i drugim organima uprave Kantona Sarajevo ("Službene novine FBiH", broj: 40/22), kojim se uređuje organizacija, nadležnost i način upravljanja organa uprave, Zakonom o Vladi Kantona Sarajevo („Službene novine Kantona Sarajevo“, broj: 36/14-Novi prečišćeni tekst i broj: 37/14-Ispravka) i drugim zakonskim i podzakonskim propisima koji su obavezujući za Ministarstvo i Vladu, a koji su iz oblasti obrazovanja. S tim u vezi, Vlada Kantona Sarajevo je jasno opredijeljena za vladavinu prava, otvoreni socijalni dijalog u okviru zakona.

S poštovanjem,



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

7/7